

**Berriz ausartu
ziren, orain
Egunkariarekin**



artefaktua.naiz.eus

ARTEFAKTUA

1977 1999 2024

30 ENE. 2024

Plastikozko edalontzi berrerabilgarriak erabiliko dituzte Hernaniko 15 tabernak txotx garaian

Plastikozko edalontzi berrerabilgarriak erabiliko dituzte Hernaniko 15 ostalaritza establezimenduk txotx garaian. Sortzen den hondakin kopurua murriztu eta kaleak garbiago mantentzeko helburua du sistemak, erabilera bakarreko plastikozko edalontziak albo batera utziz.

NAIZ



Unai Gaztelumendik egin du edalontzien diseinua. (Hernaniko Udala)

Aurtengo txotx garaian plastikozko edalontzi berrerabilgarriak erabiliko dituzte Hernaniko 15 taberna eta jatetxek. Horrela, ez dituzte edariak plastikozko erabilera

bakarreko edalontzietan zerbitzatuko. Aurten lehenengo aldiz, Udalak edalontzi berrerabilgarriak txotx denboraldian ere erabiltzeko lanketa egin du herriko ostalaritzako establezimenduekin.

Batetik, hondakin gutxiago sortzea da helburua, Udalak berak jakitera eman duenez. Bestetik, kaleak garbiago egotea ere lortuko dutelakoan daude. Azaldu dute Hernaniko herritarrentzako «onuragarria» izango dela ostalaritza establezimenduetan edalontzi berrerabilgarriak erabiltzea, txotx denboraldiko asteburuetan kaleetan pilatzen den hondakin kopurua murrizten lagunduko baitu, haien bizimodua erraztuz.



Momentuz, 15 tabernak bat egin dute ekimenarekin. Borondatezko sistema izanik, Udalak eskerrak eman nahi izan dizkie, «herritarrengan onura zuzena izango duen neurri honekin hartu duten konpromisoa dela eta».

Halaber, gogora ekarri dute gainontzeko ostalariek ere bat egin dezaketela ekimenarekin, udaletxean informazioa eskatuz.

Bilketa puntuak

Edalontziak tabernetan bertan eskuratuko dituzte erabiltzaileek, euro baten truke. Edalontzi hori bera erabili ahal izango dute Hernaniko ostalaritza establezimendu ezberdinetan kontsumitzeko.

Edalontzi hauek etxera eraman ditzakete edo tabernetan bertan utzi. Bestela, Udalak bilketa puntu bereziak jarriko ditu edalontziak uzteko: Atsegindegin, Zinkoenean, Ibaiondon eta Plaza Berrin. Horrela, erraza izango da erabiltzaileentzako edalontziak bertan behera botata ez uztea.

Edalontzi berrerabilgarriek Unai Gaztelumendik ekimenerako propio sortutako irudia daukate. Artistak azaldu duenez, «gune berean elkartzen diren lagun, talde, asmo eta jatorri ezberdinak» irudikatu nahi izan ditu. Horretarako, Hernaniko Ezkiaga pasealekua irudikatu du, «umore onak plaza hartuta».

Hauek dira, momentuz, edalontzi berrerabilgarriak erabiliko dituzten taberna eta jatetxeak: Aieko, Akeit, Andrekale 21, Apeadero taberna, Ekos, El Caserio, Garin, Goizargi, Guria, Joxe Mari, Kitto, Kixkal, Tripontzi jatetxea, Txoko eta Zinkoenea.

PUBLICIDAD

Zer kontatu genuen gaurko egunez?

ARTEFAKTUA

1977 ETORKIZUNA
1999 EGUNIK
2024 EGUN



PUBLICIDAD



PUBLICIDAD

ENTRA

ARTEFAKTUA
1977
1999
2024
ETORKIZUNA
EGUNIK
EGUN

Lo +



El Supremo anula el decreto que traspasó Tráfico a Nafarroa con dos argumentos sorprendentes 🔑



Convocan manifestaciones el 16 de marzo contra el «desmantelamiento de Osakidetza»



EH Bildu incluye al exjuez Manuel Díaz de Rábago en las listas al Parlamento de Gasteiz 🔑



Una sentencia pone en jaque la continuidad de las cooperativas que vertebran Marinaleda



Preacuerdo entre el Ayuntamiento de Gasteiz y el comité de Tuvisa tras siete días de huelga 🔑
